

A UNU FIORE SICCU

A cantas cosa non faghes pensare,
fiore siccu, in bider distruida
in te bellessa e profumos unpare!
Tue ses ver'immagine é sa vida
bessis dae su nudda, in~~ne~~ dunu rampu,
unile e lentu faghes sa naschida.

Pustis chi tra sas fozas has s'iscampu
t'abberis, dulce incantu de bellura,
de su giardinu orgogliu e de su campu.
Tando ses in sa mezus gioventura,
ma cuminzas derettu a t'allizare
pustis chi mustras totta sa figura;

T'allizas e ti énid'a mancare
tottu s'incantu e non lassas amentu
che buttiu de abba aggiunt'a mare.

Bolan sas fozas siccas a su éntu
ei su restu donat s'adiosu
pro andare matessi in perdimentu.

Forsis fis deris galanu e pomposu,
in su pettus de una innamorada
omaggiu é unu coro affettuosu;

Si gioia pro te cust'est istada
fi breve, cant'est breve s'allegria,
si ti ses siccu in sín'é cussa vada.

Ca perdidu has s'incantu é primaris
sol'é tinde frundire Si procurat,
mancu de t'ider tenet bramosia.

Pius de te nessuno non si curat;
ca non ses friscu bellu e profumadu
tolvidat in su tottu e ti trescurat.

Su riccu bellu e in giovan'istadu
est uguale a galanu fiore
preferidu de tottus e amadu;

Ma cando ruet in s'iscurigore
mancu mirada li dana in sa ia
cuddos chi li faghian tant'onore.

Fiore siccu, senza galiana
mi pares, de comente mi das pena,
mortu su prim'amore chi tenia.

Deris faghias sa campagn'amena,
com'isfozadu, iscoloridu e tortu
a su chi fisti assimizas apena.

Caru fiore, in giardinu oé in s'ortu
has tent'a oju a sole sa naschida
es senz'ispera in s'umbra ti ses mortu.

Ses simizante a cust'umana vida,
che s'omine mortale has un'istoria:
naschet, vivet e dat sa dispedida
e cancellat su tempus sa memoria.

AMORE (PERA SULIS)

Tonara (Nu)